

关中兩朝詩鈔

一函
五冊



關中兩朝詩鈔卷三

明

朝邑

李元春時齋彙選

同門人石全潤雨峯輯錄

蒙天庥蔭堂校梓

男

煦乙陽督鏤

妾薄命

韓邦奇

昔郎年少時。妾在蘭閨中。見郎錦城西。綠駉嘶春風。
妾作郎家婦。郎行萬里舟。妾心無所願。欲作長江流。
妾不如春月。花開到郎側。郎心匪飄風。妾無傾城色。
桃花紅復紅。江水深復深。花紅強似面。水深不如心。
流螢度珠簾。秋夜長無極。為郎製羅衣。淚痕密如織。

妾始嫁郎時。永言受郎恩。但得郎舟回。妾願鎖長門。
歲序不可轉。六月或清霜。郎豈無歸日。時復理紅裝。

雜意

崑崗峻且崇。鑿出雙玉華。磨之勞沙石。堅好無纖瑕。
製爲雙玳瑁。組以雜玄黃。其價且萬鎰。以佩君子裳。
貴陽長靈杉。千章百尺高。秋來動風色。雲外起天濤。
負此棟梁材。生之萬山隈。世無魯公輸。千載委荆萊。
金門多良竹。春風生新枝。猗猗青且堅。薄言一采之。

物用各各殊。感之重嗟吁。或爲虞廷簫。或爲吳姬竿。
灼灼檻中花。日結紅芳友。惜此妍麗資。隳折佳人手。
幽草澗邊生。春發秋還榮。三嘆犧牛身。使我淚沾纓。

晉溪

峩峩太原山。混混晉溪水。山有合抱材。水有蛟螭起。
合抱作棟梁。蛟螭興雲雨。棟梁無條枝。雲雨或愆期。
造化有不能。物豈無參差。奮飛從神龍。未必乏行施。
遽命許旌陽。我心實傷悲。

涓濱叟

西伯本事商。後車載老人。豈期牧之野。空有十亂臣。
我獨負鷹揚。談笑誅商辛。峩峩首陽山。其下渭之濱。
渭水至首陽山下。東入河。
夷齊餓死實此首陽山。

周公居東

周公聖人。又王室懿親。進退之際。天下安危。係之。被讒居東二年餘。召公太公未嘗發一言。援釋及成王卜風雷之變。得周公請命之書。二公猶以為不知聖人舉動。未易言也。

周公王懿親。進退係安危。居東二年餘。四海皆嗟咨。

二公位阿衡。未見出一詞。王以風雷變。出郊親逆之。

各各懷忠誠。二公心始知。成王悟二公之心自矣。

鵑聲至

洛陽鵑聲至。爾意亦何勤。宋室諸縉紳。誰爲達紫宸。
莫謂禽無知。性或靈於人。負爾數聲血。千載徒悲辛。

人不歸

憶我莫苦吟。苦吟傷子心。寄子莫忘歸。忘歸失我依。
清清在山泉。忽爲九仞淵。流水不復返。我心日慄慄。
客自河曲來。寄我雙鯉魚。長跪接鯉魚。或有尺素書。
剖魚乃空腹。使我心成疽。生此女子身。不如委溝渠。

鰈谷

王侍郎圖

王子自閩來。愀愀顏色枯。須臾隕雙淚。語我槩谷圖。
旻天覆下土。林鴉亦哺雛。我獨失其怙。懷抱泣呱呱。
哀此北堂人。青春撫遺孤。中道復棄捐。旻天降虐膚。
辰雞八省視。熒熒鮮盤壺。今也稍豐裕。肥甘逮妻孥。
敝廬多寒暑。簞裯無褐蒲。冠裳錫雙誥。安得奉桑榆。
旻天覆下土。不聞予號呼。桐棺薄如墨。土淺且墳壚。
茲能讀喪禮。空有龍虎區。朝露零春華。秋霜寒如鋪。
牲醴亦嘉旨。安得奉庖厨。旻天覆下土。胡戾獨予誅。
空山栢如金。其味苦如荼。茫茫風木恨。直與乾坤俱。

聞之重感傷。爲君歌且都。努力樹名德。毋愧曾閔徒。

富陽民謠

富陽江之魚。富陽山之茶。魚肥賣我子。茶香破我家。
采茶婦捕魚。夫官府拷掠無完膚。昊天胡不仁。此地
亦何辜。魚胡不生。別縣茶胡不生。別都富陽山。何日
摧富陽江。何日枯山摧茶亦死。江枯魚始無。山難摧
江難枯。我民不可蘇。

齋居

時隸司徒卿

奉天承帝戒。東省肅齋居。竹蔭春階月。燈明夜榻書。
天風傳禁漏。郊露濕鑾輿。清曉朝班事。兢兢整珮琚。
九日邀石泉大司寇

虛館晝無事。秋光驚客心。踈籬三逕菊。斜日萬家砧。
行役嗟歸鴈。幽情望遠岑。瓶中有桑落。相對一豪吟。
萬里荒城暮。三秋使節來。共携杜陵酒。同上越王臺。
俊逸知高興。踈狂愧菲才。過從能幾度。早晚鷺車回。

送唐中丞撫蜀

聖主憂三蜀。中丞憲府開。西南全勝地。經濟出羣才。

節鉞辭楓陛。風霜動栢臺。鷺車應早發。聞有御中催。

送梅溪

寒江歸去晚。秋樹望中疎。霜沒金蟾影。風傳玉虎書。
青山依別浦。白髮對征車。相送萬餘里。思君入夢初。

送光祿大夫王子之南都

以九廟
方成遷

聖皇崇孝理。恩命被儀臣。帝里龍蟠舊。仙槎鳳覽新。
十年負才略。九廟見忠勤。暫爾留都試。行當侍紫宸。

萬給舍擢山東少叅

畫舫春江渡。臺高鳳欲翔。風生青瑣闥。花靜紫薇堂。

報政聞齊魯。封章動廟廊。經綸應不負。咫尺仲尼鄉。
送錢銀臺自考部之南都

考功天部客。長嘯出春明。祖席開燕閣。繁花發帝城。
晚風催去舫。新月照行旌。聖主思宏化。應還召賈生。
盧秋官辭京部之南都爲親也

帝里青春好。千家桃李開。君翻辭玉闕。誰不愛金臺。
望切秋雲迥。心驚暮日摧。卽今承彩服。朝夕奉霞杯。
節婦義女
爲楊侍御題

悲風起天暮。開帙感雙真。綠藿偏傾日。芳梅未吐春。

三秋深夜雨百折歲寒身誰秉如椽筆休令漫泚淪

西盤冢宰奏功入京

北闕趨環佩南都報治成百僚師揆度四海仰均平
輕舸過天蕩高幟拂月明此行應簡在天子舊知名

浙上送遂谷

無涯白石入廣五泉明農今復見子傷哉獨為四子耶

知己半零落生離幾愴神忽逢洛下客亦是嶺南人
時事頻相問憂心未敢陳京華四千里回首一沾巾

送劉司訓罷歸蜀

萬里川南道秋深感慨多漢江衝雨渡棧道拂雲過

國朝詩金卷三
對月應懷友。臨盃且浩歌。到家問黃菊。三逕長青蘿。

平遙夜坐

漠漠荒城暮。飄飄旅笛哀。坐看寒燭盡。愁絕夜更催。
冀北花爭發。秦西鴈不來。歲華容易改。春盡且塵埃。

送高都御史總督南都糧儲

留都根本地。國計仰臺臣。民力東南竭。天菑遠近臻。
傳曰饑聖皇思博濟。君子抱經綸。獨嘆陽城拙。空勞

撫字仁。

麗水道中答慧岩

驅車下麗水。倏雨發微涼。晴樹遙偏綠。秋山晚更蒼。
闕城嚴虎豹。郡邑少豺狼。更喜薇垣使。春風滿婺陽。

聞舍弟下獄

邸報封章事。敷陳與世違。怪來明主怒。原是小臣非。
事業千年遠。存亡一葉微。高堂雙白髮。如我只宜歸。

出獄至蒲

驅車下蒲坂。雲樹見吾家。覆苑堤堤柳。沿河曲曲花。
生還仍故國。客去幾天涯。不寐今宵月。鷄鳴問渡槎。

詔獄

自浙至京未嘗
頃刻釋三刑

五品監司貴。朝廷法不私。一封瀆明主。十口累相知。
黃卷春扉靜。青燈夜榻遲。舊聞胡憲使。此日慰相思。
胡先在錦衣獄

懷慧岩

嚴江夜半之別在於夢寐之中覺而視之但見孤舟搖搖烟波浩浩於天涯之外回首仙舟始不能為懷却恨當初萍聚處只將歡會作尋常耳小詩見意幸賜俯和以慰

客情

畫舫潮來別。孤帆夜不眠。寒江烟浩浩。秋野草芊芊。
客病經三月。天涯又一年。薇垣新月上。今夕最堪憐。

具慶受勅

繼母也

東署多勞績。褒封感聖明。錦雲宮墨淡。寶篆玉香青。
雨露椿萱秀。恩波泉壤榮。高堂春酒綠。悲喜可勝情。

雲中道

景物邊城異。多愁旅更增。風高聞畫柝。白日薄結

秋水

八月有水

渡水愁波陷

桑乾河沙忽然陷人

登山畏

石崩

度陵山踈土嵌石大石忽崩下人不能避

晚來孤館宿。燃木卽爲燈。

晚至沁州書懷

昔歲蒲闕度。淹留直至今。病來改蓬鬢。春到益鄉心。
萬壑迷寒雨。孤城隔遠林。須臾悲角起。悵望一沾襟。

長子和沈提學沁州壁間韻

長○平○山○下○多○白○骨○趙○王○墓○上○牛○羊○牧○三○晉○自○古○稱○繁○
華○海○水○桑○田○幾○翻○覆○平○原○公○子○今○如○何○故○宅○蕭○蕭○秋○
草○多○人○生○休○懷○千○歲○憂○百○歲○浮○踪○蓬○一○科○塵○世○紛○紛○
何○足○較○昔○日○紅○顏○今○老○貌○瀛○闕○開○軒○邀○皓○月○樂○地○從○
來○在○名○教○閑○雲○清○泉○景○物○良○休○將○身○跡○滯○他○方○桃○花○
纔○落○渚○蓮○發○回○首○却○已○摧○羣○芳○高○鴻○渺○渺○入○青○天○安○
得○與○爾○同○飛○翔○長○歌○一○聲○生○風○雨○坐○對○黃○花○金○傘○張○

東烏嶺